

**B O S N A I H E R C E G O V I N A**  
**FEDERACIJA BOSNE I HERCEGOVINE**  
**U N S K O - S A N S K I K A N T O N**  
**OPĆINA BOSANSKA KRUPA**  
**JEDINSTVENI OPĆINSKI ORGAN UPRAVE**  
**OPĆINE BOSANSKA KRUPA**  
**Broj: 07-11-5-4875/21**

Bosanska Krupa, 12.07.2021.godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14), u otvorenom postupku nabavke radova s namjerom provođenja e-aukcije - Sanacija klizišta na putu Johova dolina, općina Bosanska Krupa (Sanacija obale od erozije potoka Baštra i klizišta na LP Johova Dolina u Bosanskoj Otoci)., na prijedlog Komisije za provođenje postupka javne nabavke, Općinski načelnik općine Bosanska Krupa, kao rukovodilac ugovornog organa donosi:

**ODLUKU**  
**o izboru najpovoljnijeg ponuđača**

1. Prihvata se ponuda ponuđača **Doo EURO-COP INVEST“ Bosanska Krupa**, u predmetu nabavke radova: Sanacija klizišta na putu Johova dolina, općina Bosanska Krupa (Sanacija obale od erozije potoka Baštra i klizišta na LP Johova Dolina u Bosanskoj Otoci), sa cijenom u ukupnom iznosu od **11.362,33 KM, sa uračunatim PDV-om**.
2. Izabrani ponuđač se obavezuje da u roku ne dužem od 10 (deset) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b), c) i d) Zakona o javnim nabavkama, ukoliko iste nije dostavio u sastavu ponude.
3. Po konačnosti ove odluke sa izabranim ponuđačem potpisat će se ugovor o izvođenju radova na sanaciji klizišta na putu Johova dolina, općina Bosanska Krupa.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 07-11-5-4875/21 od 14.06.2021. godine. Javna nabavka je provedena putem otvorenog postupka s namjerom provođenja e-aukcije– Sanacija klizišta na putu Johova dolina, općina Bosanska Krupa (Sanacija obale od erozije potoka Baštra i klizišta na LP Johova Dolina u Bosanskoj Otoci). Obavještenje o nabavci broj: 1272-1-3-60-3-39/21 od 14.6.2021. godine - objavljeno na portalu JN i u Službenom glasniku BiH, broj: 37/21 dana 18.6.2021. godine (TD preuzelo ukupno 8 ponuđača s portala JN)

Po objavljenom obavještenju rok za prijem ponuda je bio 05.07.2021. godine do 13,00 sati. Do označenog roka za prijem ponuda na protokol Ugovornog organa pristigle su tri ponude, a što je vidljivo iz tabelarnog pregleda dostavljenog od strane službenice koja radi na protokolu ugovornog organa i to ponuda:

1. d.o.o. “I-KOMIĆ” Bosanska Krupa, broj protokola: 07-11-5-4875-2/21, dana 05.07.2021. godine u 9:00 sati i
2. DOO “VELIĆ-KOP” Bosanska Krupa, broj protokola: 07-11-5-4875-3/21, dana 05.07.2021. godine u 10:30 sati;
3. Doo “EURO-COP INVEST” Bosanska Krupa, broj protokola: 07-11-5-4875-4/21, dana 05.07.2021. godine u 12:40 sati.

Komisija za provođenje postupka javne nabavke je u skladu sa tenderskom dokumentacijom dana 05.07.2021. godine u 13,30 sati izvršila javno otvaranje ponuda i na zapisnik konstatovala:

1. **Ponuđač d.o.o. "I-KOMIĆ" Bosanska Krupa**, dostavljena ponuda uredno zapakovana, original i kopija, i bez vidnih oštećenja, ponudio je:

cijena ponude: **9.969,00 KM bez PDV,**  
iznos PDV: **1.694,73 KM PDV**  
ukupna cijena ponude: **11.663,73 KM sa PDV- om,**  
Nema popusta

2. **Ponuđač d.o.o. "VELIĆ-KOP" Bosanska Krupa**, dostavljena ponuda uredno zapakovana, original i kopija, i bez vidnih oštećenja, ponudio je:

cijena ponude: **10.751,00 KM bez PDV,**  
iznos PDV: **1.827,67 KM PDV**  
ukupna cijena ponude: **12.578,67 KM sa PDV- om,**  
Nema popusta

3. **Ponuđač Doo "EURO-COP INVEST" Bosanska Krupa**, dostavljena ponuda uredno zapakovana i bez vidnih oštećenja, s tim da je dostavljen original ponude ali ne i kopija ponude, ponudio je:

cijena ponude: **9.711,40 KM bez PDV,**  
iznos PDV: **1.650,94 KM PDV**  
ukupna cijena ponude: **11.362,34 KM sa PDV- om,**  
Nema popusta.

Komisija za provođenje postupka javne nabavke je izvršila evaluaciju ponude i dostavljenju dokumentacije, izvršila računski provjeru dostavljene ponuda i utvrdila da ponuda ponuđača **d.o.o. "I-KOMIĆ" Bosanska Krupa, d.o.o. "VELIĆ-KOP" Bosanska Krupa i Doo "EURO-COP INVEST" Bosanska Krupa** potpune, ispravne u formalno-pravnom smislu (ponuđači su dostavili ponudu u skladu sa tenderskom dokumentacijom, ispunili uslove za učešće, dostavili potrebne dokaze, kao i da računskih grešaka nije bilo).

Komisija je za zapisnik konstatovala da je procjenjena vrijednost predmetne nabavke- Sanacija klizišta na putu Johova dolina, općina Bosanska Krupa, cijena bez PDV: 8.500,00 KM bez PDV, cijena sa PDV: 9.945,00 KM sa PDV- om.

Komisija je predložila Ugovornom organu da zakaže e-aukciju s kvalifikovanim ponuđačima i to d.o.o. „I-KOMIĆ” Bosanska Krupa, d.o.o. “VELIĆ-KOP” Bosanska Krupa i Doo “EURO-COP INVEST” Bosanska Krupa, u skladu sa Pravilnikom o uslovima i načinu korištenja e-aukcije (“Službeni glasnik BiH”broj 66/16 od 06.09.2016 godine).

Provođenje e-aukcije je zakazano za dan 08.07.2021. godine u 13:30 h i ista je trajala od 13:30 h do 13:45 h. Na osnovu izvještaja o toku i završetku e-aukcije utvrđeno je da je konačna rang lista ponuđača sljedeća:

1. **d.o.o. „EURO-COP INVEST“ Bosanska Krupa** konačna cijena ponude iznosi 9.711,40 KM bez PDV pa ukupna cijena ponude iznosi **11.362,33 KM sa PDV- om** (početna cijena ponude nije umanjivana)
2. **d.o.o. „I-KOMIĆ“ Bosanska Krupa** konačna cijena ponude iznosi 9.969,00 KM bez PDV pa ukupna cijena ponude iznosi **11.663,73 KM sa PDV- om** (početna cijena ponude nije umanjivana)
3. **DOO “VELIĆ-KOP” Bosanska Krupa** konačna cijena ponude iznosi 10.751,00 KM bez PDV -a, pa ukupna cijena ponude iznosi **12.578,67 KM sa PDV- om**(početna cijena ponude nije umanjivana)

Komisija je za zapisnik konstatovala da je procijenjena vrijednost predmetne nabavke- Sanacija klizišta na putu Johova dolina, općina Bosanska Krupa, cijena bez PDV: 8.500,00 KM bez PDV, cijena sa PDV: 9.945,00 KM sa PDV- om i da je cijena ponude prvorangiranog ponuđača d.o.o. „EURO-COP INVEST“ Bosanska Krupa veća od procijenjene vrijednosti za ovu nabavku u iznosu od 1.417,33 KM sa PDV-om.

S obzirom na navedeno Komisija je predložila Ugovornom organu da se očituje da li se mogu iznaći dodatna sredstva za nabavku predmetnih radova. Ukoliko se nedostajuća sredstva za nabavku predmetnih radova mogu obezbjediti Komisija je predložila Ugovornom organu da se donese Odluka o izboru najpovoljnijeg ponuđača, prvorangiranog d.o.o. „EURO-COP INVEST“ Bosanska Krupa i zaključi Ugovor ili u suprotnom da poništi postupak javne nabavke shodno članu 69. Stav (2) tačka e) Zakona o javnim nabavkama.

Općinski načelnik kao rukovodilac ugovornog organa dao je saglasnost da se postupak okonča donošenjem Odluke o izboru najpovoljnijeg ponuđača d.o.o. „EURO-COP INVEST“ Bosanska Krupa, jer se nedostajuća sredstva za predmetnu nabavku mogu obezbjediti u Budžetu općine za 2021. godinu.

S obzirom da je kriterij za dodjelu Ugovora „najniža cijena tehnički zadovoljavajuće ponude“, da je d.o.o. „EURO-COP INVEST“ Bosanska Krupa prvorangirani ponuđač nakon održane aukcije, da je Općinski načelnik kao rukovodilac organa uprave dao saglasnost da se postupak okonča donošenjem ove odluke jer su sredstva obezbjeđena u Budžetu općine, odlučeno je kao u dispozitivu.

#### **Pouka o pravnom lijeku**

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje Ugovornom organu u pisanoj formi direktno ili putem pošte u dovoljnom broju primjeraka, a koji ne može biti manje od tri.

Obrađivač:  
Selma Bužimkić, dipl. pravnik

**OPĆINSKI NAČELNIK**  
Armin Halitović, dipl. ecc

Dostavljeno:

1. d.o.o. EURO-COP INVEST
2. doo „I-KOMIĆ“ Bos. Krupa
3. d.o.o. „VELIĆ KOP“ Bos. Krupa
4. U spis
5. a/a